

Der LXvij. Artikel.

Betrug mit den Kuckus aus dem
Retardat/bey den Schicht-
meistern vorkomen.

Weil auch etliche Schichtmeistere mit betrug handeln /
Nehmen offte die zupussen von den gewercken / vnnnd lassen
sie doch nichts destoweniger im Retardat stehn bleiben /
Wo nun ein Schichtmeister solchs hinfürder thun würde / vnd
er neme nach entpfangner zupus nicht des nechstfolgenden vor-
leihe tags / die teil widerumb aus dem Retardat / der sol / so offte
solchs geschiedt / fünff gülden als balde zur straff erlegen / Do er
aber ein ganz quartal damit vorziehen würde / so sol er beneben
entsehung seiner dienste / mit ernst vnnachlessig gestrafft werde.

Der LXvij. Artikel.

Wie man in zechen / so zwischen der
Quatember ligen bleiben / die
Teil erhalten mag.

Es sol auch niemandt / der seine teil lauts vorberurter ord-
nung / auff itzliche weichfaste mit zupus vorlegt / ob auch
zwischen derselben vnd nachfolgenden weichfaste / die zech
ligen bliebe / wider auffgenommen vnnnd zupus angelegt würde /
dieselbigen seine teil vorseumen oder vorlieren / sonder so derselbe
seine